

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKI NAČELNIK



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MAYOR

Broj: 07-44-1- 225 /17
Datum: 08.02.2017. godine

INFORMACIJA
o deminiranju, obilježavanju, uništavanju neeksploziviranih ubojnih sredstava te
provođenju akcije „Žetva“ na općini Maglaj u 2016. godini

Maglaj, februar/veljača 2017. godine

I UVOD

Općina Maglaj je jedna od najugroženijih općina kako u Federaciji BiH tako i u ZE-DO kantonu kada su u pitanju mine i neeksplozirana ubojna sredstva, pri čemu je Služba civilne zaštite stalno uključena u organizaciju i odrađivanje pomenutih poslova, te planom i programom rada svake godine planiraju se aktivnosti na provođenju preventivnih i operativnih mjera zaštite i spašavanja od mina i NUS-a.

Služba civilne zaštite konstantno od 1996. godine vrši uklanjanje i uništavanje NUS-a kao i pripremu, izradu i kandidovanje projekata prioritetskog deminiranja, izviđanja u cilju prikupljanja potrebnih podataka, tehničke obrade te dostave liste prioriteta deminiranja lokacija na općini Maglaj, kao i primopredaju deminiranih lokacija te uvođenje krajnjih korisnika u deminirane posjede.

Zakon o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, broj 39/03, 22/06 i 43/10), pored ostalih mjera, nalaže i provođenje mjera zaštite od neeksploziranih ubojnih sredstava (NUS) koja se sastoji u pronalaženju, otkrivanju, obilježavanju, iskopavanju, prenošenju, utovaru, prevoženju, istovaru, privremenom uskladištenju, deaktiviranju i uništavanju NUS-a, kako na područjima na kojima su pronađena, tako i na lokaciji (poligonu) koja je određena i odobrena za poslove uništavanja.

U sklopu provođenja akcije „Žetva“ konstantno se vrši preuzimanje ubojnih sredstava od fizičkih i pravnih lica u cilju smanjenja broja istih i stvaranje sigurnijeg životnog okruženja.

Poslovi koji se odnose na pomenutu problematiku, kao i deminiranje utvrđeni su Zakonom o deminiranju te standardno operativnim procedurama Centra za uklanjanje mina (BH MAC).

II AKTIVNOSTI NA KANDIDOVANJU PROJEKATA DEMINIRANJA ZA 2017. GODINU

Na listi prioriteta BH MAC-a Regionalni ured Tuzla za 2017. godinu nalazi se 21 projekat tehničkog izviđanja i čišćenja i to 730.064,85m² tehničkog izviđanja i 164.730,97m² čišćenja što ukupno iznosi 894.195,82m² prostora.

Podaci su prikazani u tabeli broj 1.

Tabela broj 1

**LISTA PRIPREMLJENIH PROJEKATA DEMINIRANJA ZA 2017. GODINU ZA
OPĆINU MAGLAJ**

Redni broj	ID broj	Naziv zadatka	Mjesna zajednica	Protuminska akcija (m ²)	
				Čišćenje	Tehničko izviđanje
01.	7953	LZ Jablanica	Jablanica	56.260,48	-
02.	8500	LZ Gornji Ulišnjak	Ulišnjak	20.080,54	-
03.	8487	Gornji Ulišnjak-južni dio	Ulišnjak	-	65.590,00
04.	8815	Vodovod Liješnica	Liješnica		8.118,35
05.	8052	Bijela Ploča – Parnica obala	Bijela Ploča	12.589,93	
06.	7220	Krsno Polje – Straište 1	Krsno Polje	-	85.613,59
07.	7131	Brezove Dane 2	Brezove Dane	45.078,33	-
08.	5004	Desna obala rijeke Bosne 1		2.074,67	-
09.	9050	Parnica stari tunel	Bijela Ploča	-	19.631,96
10.	9053	Parnica iznad tunela Orlina	Bijela Ploča	22.210,34	-
11.	8816	Liješnica-Nekolj-Deponija smeća 2	Liješnica	-	105.465,68
12.	10452	Čobe	Čobe	5.836,68	-
13.	10453	Liješnica-Grohot	Čobe	-	28.132,55
14.	10454	Kamenolom-Grohot	Čobe	-	55.069,45
15.	5444	Ulišnjak-Arnauti	Ulišnjak	-	8.320,79
16.	7955	LZ Jablanica 3	Jablanica	-	82.020,00
17.		LZ Jablanica 3A	Jablanica		87.490,00
18.	7370	Donji Ulišnjak-Dobra Voda	Ulišnjak		7.952,49
19.	7874	Donji Ulišnjak-Isići	Ulišnjak	-	14.780,00
20.	7956	LZ Jablanica 4	Jablanica	-	83.100,00
21.		LZ Jablanica 4A	Jablanica		78.780,00
				164.130,97	730.064,86
				UKUPNO: 894.195,83m²	

U toku 2016. godine u 14 navrata izvršen izlazak na teren u cilju izviđanja i pripreme potrebnih podataka vezanih za izradu i prijedloge projekata deminiranja naprijed navedenih lokacija.

III AKTIVNOSTI NA DEMINIRANJU U 2016. GODINI

U 2016. godini urađeno je i kandidirano 21 projekat prioritnog deminiranja koji se nalaze na listi BH MAC-a ZE-DO kantona za 2017. godinu od 894.195,83 m² prostora.

3.


Zahvaljujući donatorskim sredstvima UNDP-a, ITF-a, Vlade Republike Njemačke, NPA-a, fondacije „Svijet bez mina“ iz Ciriha i Budžeta općine Maglaj izvršeno je deminiranje sljedećih lokacija:

1. Bijela Ploča – Jablanica, deminirano 25.102m² prostora, deminiranje izvodila deminerska organizacija „DEMIRA“ iz Orašja,
2. Krsno Polje – Straište, deminirano 23.127m² prostora, deminiranje izvodila ista deminerska organizacija,
3. LZ Komšići, deminirano 158.106,05 m² prostora, deminiranje izvodili demineri Oružanih snaga BiH i
4. Stari grad – Gornja Mahala, deminirano cca 40.000,00m² prostora, deminiranje izvodili demineri Oružanih snaga BiH.

U 2016. godini je deminirano 246.335,05m prostora, što po prosječnoj cijeni metra kvadratnog deminiranja od 2KM iznosi 492.670,10KM.

To znači da je bilo 4 uvođenja u posao deminiranja kao i isti broj primopredaja deminiranih površina za koje su u Službu civilne zaštite stigli Certifikati o kvaliteti izvršenih radova za gore navedene zadatke.

PREGLED DEMINIRANE POVRŠINE U PERIODU 1996 – 2016. GODINE



U toku deminiranja na gore spomenutim lokacijama izvršeno je 10 izlazaka na teren s naše strane u cilju rješavanja i usuglašavanja prisutnih problema, kao i upoznavanje sa trenutnim dostignutim granicama očišćenog terena.

Tabela broj 2

**PREGLED DEMINIRANOG TERENA NA OPĆINI MAGLAJ
U PERIODU 1996. – 2016. GODINE**

r/B	GODINA	DEMINIRANO (m ²)
1.	1996.	44.280,00
2.	1997.	14.894,00
3.	1998.	64.761,00
4.	1999.	101.789,00
5.	2000.	102.789,00
6.	2001.	42.667,00
7.	2002.	45.479,00
8.	2003.	35.190,00
9.	2004.	31.926,00
10.	2005.	84.231,00
11.	2006.	151.064,00
12.	2007.	108.346,00
13.	2008.	488.356,79
14.	2009.	88.600,00
15.	2010.	397.551,00
16.	2011.	307.664,00
17.	2012.	20.231,21
18.	2013.	55.556,00
19.	2014.	337.940,00
20.	2015.	327.739,00
21.	2016.	246.335,05
		UKUPNO: 3.097.389,10m ²

Imajući u vidu da je na osnovu prve revizije općinskog Plana protuminskog djelovanja za općinu Maglaj, krajem 2010. godine koju je uradio BH MAC, a sumnjiva površina procijenjena na 20.307.000,00m² prostora možemo reći da ukupna deminirana površina u periodu 1996. – 2016. godine iznosi 3.097.389,10m² prostora, što iznosi 15,25% od ukupno minirane površine.

U toku prošle godine upućen je Javni poziv svim mjesnim zajednicama, preduzećima, udruženjima građana, Šumskom privrednom društvu i svim drugim koji imaju problema sa sumnjivim površinama kao i poznate lokacije sa minskim poljima da iste predlože za deminiranje kako bi se ispred Službe civilne zaštite iste kandidovale za deminiranje.

U prethodnoj godini izvršeno je uvođenje u posao deminerskih organizacija na lokalitete koji su predviđeni za deminiranje, izvršena primopredaja deminiranih lokacija, kao i pribavljanje Certifikata i uvjerenja o izvršenoj kontroli deminiranja za sve deminirane površine, kao i za lokacije koje su proglašene da nisu opterećene minama.

U toku prošle godine je sa predstavnicima Norveške narodne pomoći – program deminiranja u BiH i BH MAC-a izvršeno kandidovanje i izviđanje lokaliteta Starog Grada po

5.

kome je djelovano kasetnim bombama kb-1 „zvončići“. Prva faza čišćenja od 45.000,00m² je završena, dio druge faze je odrađen u iznosu od 40.000,00m² i nastavak slijedi u proljeće ove godine kad se steknu uvjeti za rad..

Potrebno je napomenuti da je vršeno obilježavanje svih poznatih minskih polja, kao i sumnjivih lokacija standardnim minskim oznakama. U 2016. godini je izvršeno obilježavanje dva novootkrivena minska polja.

IV AKTIVNOSTI NA PRONALAZENJU I UNIŠTAVANJU MINA I NEEKSPLODIRANIH UBOJNIH SREDSTAVA KAO I PROVOĐENJE AKCIJE „ŽETVA“ NA TERITORIJI OPĆINE MAGLAJ U 2016. GODINI

U toku 2016. godine u Službi civilne zaštite vođene su svakodnevne aktivnosti na pronalasku, obilježavanju, privremenom uskladištenju te uništavanju pronađenih ubojnih sredstava kako na mjestu pronalaska tako i na lokaciji određenoj za ove poslove.

U istom vremenskom periodu su uporedno vođene i aktivnosti na provođenju akcije „Žetva 16“ u cilju smanjenja broja zaostale municije i drugih ubojnih sredstava, a u cilju stvaranja sigurnijeg okruženja i to na dobrovoljnoj osnovi uz strogu anonimnost i bez ikakvih posljedica.

Prilikom odrađivanja spomenutih poslova tokom 2016. godine ubojna sredstva su prikupljena 60 puta na terenu po dojavama građana i drugih pravnih lica.

Tabela broj 3

SPISAK UBOJNIH SREDSTAVA PRONAĐENIH I ODSTRANJENIH SA TERENA OPĆINE MAGLAJ U 2016. GODINI

R/b	NAZIV UBOJNOG SREDSTVA	KOMADA
1.	Ručna bomba	13
2.	Tromblonska mina trenutna	3
3.	Tromblonska mina kumulativna	2
4.	Pješadijska mina antimagnetna PMA-2 (pašteta)	1
5.	Lovački metak	2
6.	Automatska puška „ZAGI“ sa okvirom bez municije	1
7.	Ručna bomba HAND	2
8.	Ručni bacač tipa ZOLJA	2
9.	Projektil ručnog bacača	1
10.	Municija za automatsku pušku kalibra 7,62mm	11
11.	Stabilizator mine minobacača 82mm	2
12.	Metak kalibra 12,7mm	1
13.	Metak kalibra 7,9mm	1
14.	Metak kalibra 7,65mm	3
15.	Stabilizator mine ručnog bacača	1
16.	Sumnjiv predmet	2

6.

Kao što se može vidjeti iz prethodne tabela tokom 2016. godine sa terena općine Maglaj odstranjeno je 27 ubojnih sredstva raznih vrsta i kalibara i 11 komada municije kalibra 7,62mm, dva lovačka metka, 1 metak kalibra 7,9mm, jedan metak kalibra 12,7mm i 3 metka kalibra 7,65mm.

Organizirano je i izvršeno uništavanje 19 kasetnih bombi „zvončići“ koja su uništena na poligonu Ograjina općine Žepče, izvršena su još 3 uništavanja na istom lokalitetu, kao i 4 uništavanja pronađenih ubojnih sredstava na licu mjesta. Uništena ubojna sredstva su prikazana u tabeli 4. Ukupan broj uništenih ubojnih sredstava je 2.668.

Tabela broj 4

**SPISAK UNIŠTENIH UBOJNIH SREDSTAVA U 2016. GODINI NA POLIGONU
„OGRAINA“**

R. br.	NAZIV UBOJNOG SREDSTVA	KOMADA
1.	Ručna bomba	22
2.	Ručna bomba HAND	1
3.	Ručni bacač raketa tipa ZOLJA	2
4.	Metak kalibra 7,62mm	1.099
5.	Pješadijska mina antimagnetna 3	5
6.	Tromblonska mina kumulativna	10
7.	Signalni metak kalibra 26mm	3
8.	Pješadijska mina rasprskavajuća 2A	5
9.	Tromblonska mina trenutna	53
10.	Ručna bomba kemijska (suzavac)	46
11.	Pješadijska mina rasprskavajuća PMR-2	1
12.	Municija kalibra 12,7mm	3
13.	Pirotehnička sredstva	1.418
14.	Mina ručnog bacača	1

Tabela broj 5

**PREGLED PRIKUPLJENIH UBOJNIH
SREDSTAVA U AKCIJI „ŽETVA 2016“**

R/b	NAZIV UBOJNOG SREDSTVA	KOMADA
1.	Projektil ručnog bacača	1
2.	Bomba ručna	15
3.	Mina minobacača kalibra 60mm	1
4.	Municija kalibra 7,62 mm	459
5.	Tromblonska trenutna mina	1
6.	Metak kalibra 7,9mm	169


U akciji „Žetva 16“ prikupljeno je 18 ubojna sredstva raznih vrsta i kalibara, 459 komada municije kalibra 7,62mm, 169 komada municije kalibra 7,9mm. Tokom akcije „Žetva

2016“ kao i po dojavama sa terena općine Maglaj uklonjeno je 57 komad ubojnih sredstava raznih vrsta i kalibara, 646 komada municije raznih kalibara.

Pošto su linije razdvajanja u toku aktivnih borbenih djelovanja često pomjerane, a mine su postavljane bez pravih zapisnika i orijentira, a znajući da je veliki broj ubojnih sredstava ostao neaktiviran, time je i minska situacija kompliciranija, pogotovo kad se zna da je poznato 60% minskih polja od ukupnog broja postavljenih, time je minska situacija još gora, što nažalost trebamo napomenuti da su na našoj Općini od 1996. godine nastradale 54 osobe, od čega 27 smrtno, a 27 osoba su lakše ili teže ozlijeđeno.

U 2016. godini nije bilo minskih nesreća.

PREGLED PRIKUPLJANOG NUS-a ZA PERIOD 1996. – 2016. GODINE



V SURADNJA SA DRUGIM SUBJEKTIMA

U protekloj godini ostvarena je dobra suradnja sa mnogim subjektima, između ostalih sa BH MAC-om, BH MAC Regionalni ured Tuzla, Policijskom stanicom Maglaj, Kantonalnom i Federalnom upravom civilne zaštite, OS BiH, humanitarnim, vladinim i komercijalnim deminerskim organizacijama, mjesnim zajednicama, Handicap Internationalom, Domom zdravlja Maglaj i bolnicom Tešanj, JP RTV Maglaj i sa drugim sredstvima informiranja, Općinskim načelnikom i Općinskim vijećem, općinama u okruženju, Internacionalnim fondovima za deminiranje (ITF), Ministarstvom civilnih poslova, te sa Službama civilne zaštite općina u okruženju.

VIZAKLJUČCI

1. Služba civilne zaštite na području općine Maglaj posvećuje posebnu pažnju na preventivnoj zaštiti i spašavanju stanovništva od mina i neeksplozivnih ubojnih

- sredstava, uspješno je odgovorila izazovima na poslovima deminiranja, tehničkog izviđanja i trajnog obilježavanja.
2. Sa odrađenim poslovima na deminiranju u prošloj godini možemo biti zadovoljni, ali zbog činjenice da je na prostoru naše općine ostao veliki broj obilježenih minskih polja uglavnom
 3. na površinama treće kategorije (periferna šumska područja), pojedinačno postavljene mine kao i mine iznenađenja i zaostala neeksplozirana ubojna sredstva koja predstavljaju permanentnu opasnost po građane, a naročito djecu, potrebno je nastaviti i proširiti dosadašnju suradnju sa svima koji mogu pomoći u rješavanju spomenutih problema.
 4. Saradnja sa Handicap International-om, Internacionalnim fondom za deminiranje (ITF) i svim drugim koji rade na principu sudjelovanja Budžeta trebalo bi dati bolje rezultate od dosadašnjih.
 5. Urađeni poslovi na trajnom obilježavanju te kontrola postavljenih minskih oznaka i informativnih tabli (džambo plakate), a s ciljem upozoravanja i smanjenja rizika kao i sprječavanje stradanja ljudi, potrebna je jača i bolja kontrola radi onemogućavanja uništavanja i otuđivanja postavljenih oznaka trajnog obilježavanja i bilborda, od strane šire društvene zajednice, a posebno pripadnika Policijske stanice Maglaj, kako bi pomenuto služilo svojoj svrsi.
 6. Pošto je u posljednje vrijeme evidentno smanjenje iznosa donatorskih sredstava za deminiranje, neophodno je osigurati vlastita finansijska sredstva (planiranje u Budžetu) s ciljem otklanjanja minskih opasnosti.
 7. Potrebno je pronaći i po mogućnosti povećati iznos sredstava za deminiranje i uništavanje NUS-a i iz drugih izvora (ne samo iz Budžeta) putem Službe za privredu, financije i razvoj poduzetništva apliciranjem za sredstva od Federalnog ministarstva poljoprivrede, vodoprivrede i šumarstva i drugih.
 8. U vezi sa navedenim Služba civilne zaštite će u granicama svojih mogućnosti i ovlaštenja nastaviti odrađivanje naprijed pomenutih poslova, prije svega djelujući preventivno na sprječavanju neželjenih posljedica, utječući na ponašanje građana da izbjegavaju korištenje opasnih i sumnjivih područja i da ne dolaze u dodir sa pronađenim ubojnim sredstvima, kao i vraćanje ubojnih sredstava kroz akciju „Žetva“ čime će direktno pomoći sebi i drugima.

DOSTAVLJENO:

1. Općinsko vijeće
2. a/a

OBRADIVAČ:

Nijaz Delić

KONTROLOR:

Anto Maglica

OPĆINSKI NAČELNIK
Mirsad Mahmutagić